



Visoki predstavnik se sastao sa austrijskim predsjednikom Alexanderom Van der Bellenom

Visoki predstavnik Valentin Inzko danas se u Beču sastao sa predsjednikom Austrije Alexanderom Van der Bellenom. Visoki predstavnik je informirao austrijskog predsjednika o trenutnoj političkoj situaciji u Bosni i Hercegovini i izazovima u vezi sa provedbom Daytonskog mirovnog sporazuma.

“Organi vlasti u BiH trebaju uložiti potrebne napore da se ubrza tempo prijeko potrebnih reformi. Izabrani zvaničnici i vlade se trebaju usredsrediti na politiku okrenutu prema budućnosti i na pitanja koja su važna za budućnost zemlje, kao što su evropske integracije, ekonomski rast, jačanje vladavine prava i borba protiv korupcije”, izjavio je visoki predstavnik.

Visoki predstavnik je izrazio zahvalnost predsjedniku Van der Bellenu za stalnu podršku koju Austrija pruža Bosni i Hercegovini, kao i za podršku naporima međunarodne zajednice da se osigura provedba kako civilnih tako i vojnih aspekata Daytonskog mirovnog sporazuma. Trenutno Austrija ima osmog zapovjednika misije EUFOR-a, generalmajora Alexandra Platzera i vodeća je država po broju vojnika angažiranih u mirovnoj misiji u BiH.”